

(<https://news.usm.my>)

Berita Mutakhir ▾

15 APR USM TANDATANGANI MOU BERSAMA (GRI-DU) INDIA - KOLABORASI ANTARABANGSA PEMINDAHAN ILMU

thumbnail IMG 20160415 WA0027

TAMIL NAIDU, INDIA, 15 April 2016 – Universiti Sains Malaysia (USM) terus mengorak langkah dalam memperkasakan bidang pemindahan ilmunya ke peringkat antarabangsa dengan termeterainya perjanjian bersama Gandhigram Rural Institute-Deemed University (GRI-DU) pada 11 April 2016 yang lalu.

Menurut Pengarah Pusat Pemindahan Ilmu USM, Profesor Dr. Haslan Abu Hassan, perjanjian persefahaman (MoU) ini merupakan salah satu objektif Projek International Collaborations dalam Program Kajian Pemindahan Ilmu untuk mengadakan sekurang-kurangnya tiga kolaborasi antarabangsa bagi tahun ini.

Katanya, objektif utama program pemindahan ilmu iaitu mengiktiraf dan mempromosikan pemindahan ilmu melalui pertukaran idea-idea kreatif dan inovatif, hasil penyelidikan, pengalaman dan kemahiran antara universiti, organisasi penyelidikan, industri, agensi-agensi kerajaan dan masyarakat, pada peringkat kebangsaan dan antarabangsa.

"Hasil daripada persefahaman dengan GRI-DU India ini, kedua-dua belah pihak telah bersetuju untuk mewujudkan kerjasama dalam pemindahan ilmu berkaitan hasil penyelidikan yang dapat memberi impak kepada industri dan masyarakat," tambahnya.

Antara projek KTP USM yang telah diketengah dan dipersembahkan di hadapan pihak GRI-DU ialah Mass Cultivation of Algae for Renewable Energy Production (Dr. Faradina Merican Mohd. Sidik Merican), Optimization of Eco-Friendly Fertilizer Production through Vermiculture (Dr. Hasnuri Mat Hassan), Mushroom Cultivation from Agricultural Waste (Profesor Dr. Latiffah Zakaria) dan Integrated Waste to Wealth Ecoprocess System (Profesor Madya Dr. Mahamad Hakimi Ibrahim dan Profesor Madya Dr. Norizan Esa).

Pihak GRI-DU diketuai oleh Naib Canselornya, Profesor S. Natarajan.

Delegasi USM disertai seramai 8 orang yang diketuai oleh Pengarah Pusat Pemindahan Ilmu USM, Profesor Dr. Haslan Abu Hassan.

Teks: Hafiz Meah Ghous Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015